



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vera Concilii Tridentini Historia

Contra falsam Petri Suavis Polani narrationem

Pallavicino, Sforza

Antverpiae, 1670

Capvt III. Quæ Sfondratus in Germania egerit, & quæ Romam scripserit.

urn:nbn:de:hbz:466:1-11665

1547.

C A P V T . III.

Quæ Sfondratus in Germania egerit, & quæ Romam scripsiterit.

Per hæc tamen res parabatur in lucem publicam proditura, vbi
seu per dissidium, seu per concordiam effectrix causa ad indu-
cendam materiæ formam admoueretur. Spes aderat, legatio-
ne Sfondrati discordias sedatum iri, ob datam ipsi facultatem con-
ueniendi eâ ratione, quam Mendoza excogitarat: sed longè alius
à concepta spe rei exitus fuit. Legatum primò audiit Cæsar Bam-
bergæ, ^a vbi substiterat, Augustam ad celebranda Comitia transi-
tus. Ille post gratulationem de reportatis victoriis aggressus est rem
insinuare, cuius gratiâ priùs fuerat instituta legatio, Britannicam
scilicet expeditionem, tametsi haud ignarus repulsæ, quam accepe-
rant Nuntius, cùm Pontificis nomine idipsum proposuerat, & Par-
palia, à Polo ea de causa missus ad Cæsarem. Dixit nihilominus Le-
gatus: Quamquam quo tempore ipse proficiscebatur, Cæsar bello
Germanico esset implicitus; sibi tamen iniunctum à Paulo, ne præ-
termitteret tam egregium opus proponere, cùm speraret Pontifex,
Cæsari ante accellum Legati, victoriam de hæreticis à Deo conce-
sum iri, adeoque opportunitatem expeditionis Anglicæ capessendæ,
sicut postea euenerat. Cæsarem, ab Anglo læsum tum sanguinis
tum dignitatis violatione, tum etiam ob eam causam Religionis
mutatione, haud posse à Legato credi ex animo dixisse, Nolle se hu-
iustodi labore implicari. Respondit Carolus; Suis in Germania
rebus plus à se curæ deberi, vbi post relatam victoriam multum ad-
huc laborandum supererat ad victoriæ fructus decerpentes; cùm
præsertim haud rite secum actum fuisset, dum alienâ gratiâ ipse
ducem egerat (indicans repudiatam à Paulo fœderis continuatio-
nem) ac deniū sibi satietatem esse bellandi. Legatus accepto di-
fertæ repulsæ tenore, fastidio irâque permixta, quæ repulsa præ-
teritas confirmabat, censuit, officia sibi minimè impendenda causæ
insperabili, sed eam silentio commisit, sicut ipse Farnesio significa-
uit, & sicut postmodum ex pleno eius litterarum commentario
constat. Quare commentitium est quidquid insuper addit Suavis de-
iis, quæ super ea re apud Cæsarem à Legato acta fuerint, ea benignè
de more interpretatus, non quasi adipiscendæ Britannicæ gratiâ, sed
Cæsaris implicandi. At ex altera parte, ea quæ verè Sfondratus egit,
& nos memorabimus, aut supinâ aut inuidâ taciturnitate idem
inuoluit.

Secun-

^a Litteræ
Sfondrati ad
Farnesum
Card. Bam-
bergæ, 7.Iu-
lij 1547.

- 2 Secundo loco Legatus curandam Concilij unitatem proposuit; ostendens, quā illa necessaria & dignitati & utilitati Ecclesiæ foret: ac in medium protulit temperamenta sibi Romæ subministra, ibique Mendoza probata. Ad hæc Cæsar: Bellum à se non humanâ ambitione, sed Diuinæ causæ studio suscepsum fuisse, eiusque rei luculenta in dies testimonia proditura. Huiusce pia voluntatis suæ præmia à se agnoscî miro inopinatosque progressus, quibus arma sua Deus prouexerat: non posse in Germania Religionem componi, nisi reposito Tridenti Concilio; quod sibi perspicuum erat, compluribus præsertim hæreticis eâ promissione reconciliatis. Se nihil dubitare, id esse in potestate Pontificis; præsertim si verum erat quod Pontifex affirmabat, se inscio Synodum fuisse translatam, adeoque vanescere omnem speciem, quâ ad translationem tuendam obstringeretur: obtentam translationi causam, hoc est morbi suspicionem, præterquam quod ea legitima non fuerat, iam omnino cessasse. Id nisi fieret, præuideri à se in grauissima incommoda offensum iri, sed omne detrimentum in culpæ auctorem casurum.
- 3 Rogauit Legatus, ne tantum Cæsar pietati suæ tribueret, ut aliter de aliena sentiret; neque par esse, neque fieri posse, ut Synodus regrederetur Tridentum, ubi Patres inuiti degebant, nisi ingens aliquod Religionis emolumentum eorum redditum honestiorem facilioremque redderet. Illud igitur, quod cum Mendoza conuenerat, amplectendum; ut nimirum prius Germani & præterita illius Synodi Decreta reciperent, & futuris se subderent: quod etiam in ipsius Cæsaris decus redundaret, tamquam in auctorem reuocati Tridentum Concilij cum tanto Ecclesiæ honestamento atque compendio. At Cæsar, qui nolebat missis acquiescere ab incerta conditione pendebus, dixit, Ea non ad expediendam rem, sed ad subterfugiendam proponi; cùm in comperto esset, obstacula non defutura in conuentu Cæsareo, ne res progredi posset. Hic verò ex una parte Legatus obiicere, Quænam foret indignitas, si Concilium quasi per vim Tridentum repelleretur in gratiam Germanorum, atque iidem postea illud contemnerent, plures ipsum oppugnantes, omnes absentes, ut iam contigerat. Ex altera Cæsar contendere, Quidquid tandem euenisset, eam vnicam viam superesse, quâ posset Pontifex apud Deum hominesque suam causam probare.
- 4 Denique Legatus institit, ut certè interim recentis fauore victoriæ Germaniam ad Synodi superiora Decreta excipienda & seruanda compelleret; ita palam futurum, ipsum Dei causâ militasse, ac

O 2 vicisse.

1547. viciſſe. His reposuit Carolus; Se probè nosſe, Legatum plenè documentis instruētum adueniſſe: at nolle aliud repeteſe, niſi ſuo ſe muneri haud defuturum in eo quod poſſet Religioni prodeſſe; ſed optare pariter, vt ſuo quoque munere alij fungerentur. Tum Legatus, Idem, ait, eſſe Pontifici propositum: quapropter cū de re nihil inter ſe diſcrepant, ſed de modo rei confiendæ oppor- tuinore, ne grauaretur Cæſar id mature perpendere, gnarus, Orato- rem Mendozam, adeo huiusmodi negotiorum peritum, propositis conditionibus acquiescere. At contrā Cæſar: Haud mirum videri, Mendozam decipi poiuiffe; nec ſibi ad id longiore meditatione opus eſſe, de quo veſe ſe magis quam de bello cogitaſſe affirmabat.

Legatus acceptis tam ieunis, tam acerbis, tam obſfirmatis reſpon- ſis ad ſingula quaे protulerat, conſilium cepit, quo aut Cæſar co- geretur ſpem aliquam melioris exitus præbere, niſi animum tam ob- duratum gereret, quam verba prodeabant, aut à Cæſare omni ſpe ſibi praecisā, virtutem atque constantiam in Legato proferret, vitato inutilis inuiſſeque moraſ dedecore. Idecīcō, Quando, inquit, Augu- ſte Cæſar tam obſfirmatè reſpondeſ, ſatiuſ duco haud amplius Maieſtati tua exhibere moleſtiam, tuaque pace abeundi veniam poſcere. Ad inexpecta- tam quam ille petierat abeundi veniam, frigidè Cæſar; Id liberum eſſe Legato. Hic verò vrgere non deſtitit, ſubdens, Infructuosam illic moram haud ſibi opportunam videri. Carolus, qui ſperaueraſ apud Legatum in mandatorum calce ampliora reſidere quam quaे prima pagina in primo congreſſu de more præferat, ſenſit ſe ex im- prouifo eā perſuafione fraudatum; cupiensque non tam citò ne- gotium abrumpere, ſed ſimul follicitus tuendæ dignitatis, ſubiecit, Poſſe Legatum ea de re maturius cogitare. Hic verò, Se cogitatu- rum; ſed Cæſarem precari, ne graue illi eſſet rem quoque ſecum perpendere. Atque hic colloquij finis. De pace cum Gallia nihil inſinuauit Legatus; tum quod Pontifex idoneus conciliandæ cum aliis pacis fequeſter minimè videretur, cū eam ſecum conciliare non poſſet; tum quod Gallicus Orator ad illam transfigendam ex- pectabatur.

Hæc tam propera diſcedendi venia, quam Sfondratuſ petierat,⁶ Romæ illaudata: ^b præterea ob reieſtas a Cæſare conditions, quas Mendoza probauerat, Legatus reprehensuſ, quaſi haud plenè ratio- nes protuliffet, cū eis in litteris de congreſſu cum Cæſare haud recenſeret. Verū ille, quod ſpectabat ad veniam abeundi, ſuam cauſam ſuſtinuit, affirmans, id vnum emolumenti ab illo colloquio deceptum. Quod ſpectabat ad alterum, mirari ſe, quod metiren- tur

^a Litteræ
Sfondratuſ ad
Farnesiū,
ultimo Iulij
1547.

tur quæ in prolixo congresu pluribus differta fuerant, compendiariâ vnius pagellæ narratione. Sed vbi opus spei artificis non responderet, semper peccatum quæritur in instrumento; & quemadmodum superiorum causarum effecta nonnisi inferiorum vitio corrumptunt, ita Principum consilia nonnisi ministrorum inertiâ in irritum recidere posse creduntur. Quare quantæ in ministro sapientiæ est, in rebus prosperis ne se venditet, de solertia sua parcè loqui; tantæ pariter in aduersis prudentiæ est, vt se purget, referre pluribus quidquid actitauerit, fustinuerit, tentauerit, cogitauerit.

7 Legatus vna cum rei à se gestæ narratione significauit quid ipse sentiret: id temporis opportunum non esse Bononiæ Synodum retinéri, quòd Italorum Præsulum frequentia, & exterorum raritas, Provincialis, non Oecumenicæ Synodi speciem præ se gerebat: quòd eamdem Patrum numerus addictorum Pontifici, eorumque statio in Pontificia ditione suspectam populis reddebat, cùm controuersia tunc feruefcientes, ferè omnes Apostolicam Sedem petrent, quod non contigerat, cùm ab Ecclesia Concilia Rómæ fuerant celebrata; adeoque exempla non commodè aptari. Etenim cùm Cæsar eam Synodum palam auersaretur, timendum esse, ne pro Imperij amplitudine in schisma prorumperet; nihil autem corpori magis esse lethale, quam diuisionem membrorum. Postremò, quia Carolus & iratus & viator, tametsi abhorreret à schismate, posset aliâ ratione negotium faceſſere, atque ita secum differere: Quæ ad Religionem ſpectant, in Comitiis agenda non sunt, ſed in Concilio, quod Bononiæ habetur, nec inde dimoueri potest: cùm autem huiusmodi Concilium cunctis extra periculum metumque fit oporteat, ego verò Protectoris Ecclesiæ partes agam; meum eft cum exercitu ipsum adire, ac tutum reddere. Proinde uadere ſe, vt per Diploma Synodus intermitteretur, in quo appofita eſſet hæc cauſa, A Comitiis, ſeu proximis ſeu iam inchoatis, ſpem fieri, ob Cæſaris victorias reddituram ad Ecclesiæ ſinum Germaniam, adeoque exitum prius expectandum, quam ad dogmatum morumque ſanctiones progrederentur.

8 Hæc Romam Legatus: non tamen omnem mouere lapidem omittebat, ſi posset per Auguſtanum Cardinalem, Albanum Ducem, Cæſarisque Confessarium, viros Apostolicæ Sedi propitios, auctiores conditiones obtinere. Verū quòd hi Religionis studio p̄ſtabant magis, impensiuſque Sfondrati petitionibus fauebant, eō vehementius iudicem instabant, vt Tridentum Synodus remigraret; quoniam cùm alia iſpis non obuersaretur componenda Eccle-

1547.

Epist. ad
Maffeium,
vlt. Iulij
1547.

siæ ratio, eam vel tamquam certam existimabant, vel tamquam unicam, quamvis dubiam, tentare cupiebant. His permotus Legatus, rationum momenta litteris ad Maffeium datis, qui Pontifici in negotiis Principum à Secretis erat, Romanam perscripsit; contestatus, malle se obtrectationes hominum sua verba inique interpretantium subire, quām experiri conscientiæ morsus, suum silentium infidelitatis notā damnantis; Cæsarem in efflagitando Tridenti Concilio inflexibilem esse. Si opponebatur, Id nonnisi eiusdem Concilij consensu mouendum; ab eo pro certo ponit, id à Pontificis nutu penderet. Si postulabatur, vt Patres, qui Tridenti substiterant, ad delendam contumaciæ labem Bononiam peterent; responsum esse, id facile quidem effectum iri, vbi certò priùs de futuro Decreto constaret: verū nonnisi ad interponendam moram idipsum profuturum, cùm Episcopi Tridenti degentes nullam Synodi functionem haberent, adeoque nihil magis reos censendos, quām reliquos pariter absentes. Hic verò nosse lectorem haud pīgeat, hoc Sfondrati dictum Concilij Legatis Romā indicatum verbis mutilis ac flexiloquis, hoc est, *Tridentinos Patres haud magis quām reliquos reos esse putandos*, intellectum ab illis fuisse, quasi diceret, *Reliquos Patres Bononiam profectos*. Atque vti huiusmodi sententiæ comprobatio longè abhorrebat à calamo Pontificij Legati, ita bilem illis commouit, acerbisque eorum confutationibus reiecta est. Adeò in epistolis negotia pertractantib[us] nulli rei magis quām claritati studendum est.

Pergebat Sfondratus: Si adduceretur superior inutilis mora, Concilij, duos annos impensa Tridenti ad Germanos præstolando; reponi ab illis, variaſſe rerum conditiones, ex quo victoria Caroli Catholicos belli curis exsoluerat, hereticis verò contumaciæ arrogantiam ademerat. Si Tridento reluctabantur quasi loco non libero, videri Cæſarianis euinci contrarium ex tot Decretis illic habitis contra Cæſaris votum in dogmatum negotio, & tamen ab eodem toleratis. Postremò, si verebantur, ne Synodus in huiusmodi vrbe collocata posset res nouas moliri siue in diligendo Romano Pontifice, vbi Sedes vacasset, siue in ipsius auctoritate coarctanda per disciplinæ reparationem; idem rationum robur militasse pariter, & non iuuisse, cùm primùm Synodus Tridenti posita est, nec minus etiam militare vbi persistaret Bononiæ, modò plenà libertate frueretur: nihilominus offerre Cæsarem hac in re quidquid securitatis opus esset. Ex altera parte, si Bononiæ Concilium absoluerebatur, enumerabat Sfondratus pericula superioribus litteris exposita.

Varia

HISTORIAE CONCILII TRIDENTINI Lib.10.Cap.3. III

Varia demum proponebat consilia, sed per speciem studij potius quām comprobationis, cūm in singulis difficultatem obseruaret; relinquens proinde, vt Pontifex ex huiuscemodi sumptionibus conclusionem pro sua prudentia dederet.

- 10 At Paulus, vti Sedis Apostolicæ studiosus recusabat Tridentum rursus amandare Concilium absque certo aliquo Ecclesiae commendo & cohonestamento; ita pacis appetens facilem se ad medium aliquod consilium ostendebat, cuiusmodi esset, Synodus Ferrariam adducere, cuius dominus qb Mutinæ Rhenigiique Principatum erat in Cæsariis clientela. Cæsariani verò non tam Bononiae infensi erant, quia Pontifici obtemperabat, quām Tridenti cupidi, quia erat opportuna Germania, & fortassis tuendæ dignitatis curā folliciti: non intelligentibus sèpè Principibus, summam ipsorum dignitatem in vna subiectorum populorum felicitate sitam. Per eos dies Pontificem iam decrepitum grauis morbus invasit; qui quōd propinquius periculum minabatur, eò maiorem trepidationem incusit, si forte vacante Sede Oecumenica Synodus inter Germanos extaret in ea rerum hominumque conditione; neque in hoc satis cautionis haberi posse à Cæsare videbatur.
- 11 Ex altera parte gliscebat in dies in animo Caroli abalienatio à Pontifice f ob Gallicas Horati Farnesij nuptias, Purpuramq[ue] in Henrici Regis gratiam Guisio traditam: & quod Paulus æqualitatem, mediique constantiam appellabat, Cæsar coniunctionem, fœderisque nexum interpretabatur. Quapropter vt in morbis pertinacibus quædam naturæ motio expectatur, quæ opportunò remedio viam monstrat, ac sternat; perinde tunc quiddam lucis commodi-que sperabatur ad ineundam concordiam ex aliquo euentu Comitiorum, quæ g ineunte Septembri Religionis potissimum gratiâ Cæsar incepérat. Sed quo pacto laudatus ille Philosophus apud Aristotelem notauit, tempus non magis mereri doctissimi quām indoctissimi notam, cùm ipsum æquè scientiæ atque obliuionis auctor sit, ita non minus idem ingentium turbarum conciliator quām concitator est; quippe quod per suas vicissitudines quandoque mortales in concordiam reuocat, sed non minus quandoque extra omnem concordiæ aleam præcipitat; quod in iis quæ narramus eluet. Idecò à tempore beneficium præstolari, prudentiæ quidem est, cùm aliunde peti nequit; at cùm solertia id nobis offert, ignauia.

C A P V T

d Litteræ
Sfondrati ad
Farnesium,
1. Augusti
1547.

e Sfondrati
ad Farne-
sium litteræ,
10. Augusti
1547.

f Litteræ
Sfondrati ad
Farnesium,
ultimo Iulij,
& ad Ma-
fesiam, 7. Au-
gusti 1547.

g Litteræ
Sfondrati ad
Farnesium,
6. Septem-
br. 1547.